

## МАЪМУРИЙ ПРЕЮДИЦИЯЛИ ЖИНОЯТЛАРНИ КВАЛИФИКАЦИЯ ҚИЛИШ МАСАЛАЛАРИ

Холиков Фарход Украмович,

Тошкент давлат юридик университети

Жиноят ҳуқуқи, криминология ва коррупцияга

қарши куришиш кафедраси ўқитувчиси

E-mail: fxolikov@internet.ru

**Аннотация:** Ушбу тезисда муаллифнинг маъмурий преюдицияли жиноятларни квалификация қилиш масалалари юзасидан айrim муроҳазалари баён қилинган. Иштирокчиликда жуда хавфли жиноятлар содир этилиши, жиноятни амалга ошириш режасининг пухта ишлаб чиқилганлиги, жиноятни фош қилишнинг қийинлиги ва бошқа қатор муаммолар келиб чиқади. Қонун чиқарувчи орган иштирокчиликда содир этиладиган жиноятларнинг ана шундай хусусиятларини ҳисобга олиб иштирокчиликда содир этиладиган жиноятларни квалификация қилиш ва жазо тайинлашнинг алоҳида қоидаларини ишлаб чиқсан.

Муаллифга кўра МЖТКда ЖҚдаги каби иштирокчиликка бағишланган иштирокчилик тушунчаси, иштирокчиларининг турлари, иштирокчиликнинг шакллари, иштирокчиликда содир этганлик учун жавобгарлик доираси, дахлдорлик каби алоҳида нормалар мавжуд эмас. Фақатгина 32-модданинг 4-бандида “ҳуқуқбузарликнинг бир гуруҳ шахслар томонидан содир этилиши” маъмурий жавобгарликни оғирлаштирувчи ҳолат сифатида келтириб ўтилган. Бироқ, бир гуруҳ шахслар дейилганида кимлар тушунилишига ойдинлик киритилмаган.

**Калит сўзлар:** маъмурий жавобгарлик, маъмурий преюдиция, квалификация қилиш, бир гуруҳ шахслар, уюшган гуруҳ, жиноий уюшма, ташкилотчи, далолатчи, бажарувчи.

Шахслар биргалашиб жиноят содир этган вактда уларда жиноятни амалга ошириш учун шижаат, қатъиятлик, журъат кучаяди. Иштирокчиликда жуда хавфли жиноятлар содир этилиши, жиноятни амалга ошириш режасининг пухта ишлаб чиқилганлиги, жиноятни фош қилишнинг қийинлиги ва бошқа қатор муаммолар келиб чиқади.

Қонун чиқарувчи орган иштирокчиликда содир этиладиган жиноятларнинг ана шундай хусусиятларини ҳисобга олиб иштирокчиликда содир этиладиган жиноятларни квалификация қилиш ва жазо тайинлашнинг алоҳида қоидаларини ишлаб чиқсан.

Таъкидлаш керакки, юридик адабиётларда жиноятда иштирокчилик тушунчасига турлича таърифлар берилган. Жумладан, С.Ниёзова “жиноят содир қилишда бир неча жиноятчи бирга ҳаракат қиласи ва шулардан ҳеч бўлмаганида иккитаси жиноий натижага эришиш учун ўз ҳаракатларини бирлаштиради ва ижтимоий хавфли оқибат келиб чиқишини билган ҳолда ҳаракат қиласи, шу ҳаракати орқали оқибатни келиб чиқишини хоҳлайди”<sup>1</sup>, деб ёзади. С.С.Мухамаджонов иштирокчиликка: “Жиноят кодексига мувофиқ жиноий жавобгарликка тортилиши мумкин бўлган икки ёки ундан ортиқ шахснинг қасддан жиноят содир этишда ёки жиноий фаолиятда биргалашиб қатнашиши жиноятда иштирокчилик, деб топилади”<sup>2</sup> деб таъриф беради. М.Усмоналиев бу таърифга кенгроқ ёндашган ҳолда, “икки ёки ундан ортиқ шахсларнинг муайян жиноятда иштирок этиши деганда, фақат қасддан содир этиладиган жиноятда камидан икки киши қатнашиб, бири бажарувчи, иккинчиси ташкилотчи ёки далолатчи, ёхуд ёрдамчи сифатида қатнашган тақдирда ҳам жиноят иштирокчиликда содир этилган, деб топилади. Жиноятни содир этишда камидан икки киши бажарувчи сифатида қатнашган тақдирда ҳам жиноят иштирокчиликда содир этилган деб топилади”<sup>3</sup>, деб фикр билдирган.

Бундан ташқари, В.В.Соболев жиноятда иштирокчиликка “икки ёки ундан ортиқ шахснинг Жиноят кодексида кўрсатилган қасддан содир этиладиган жиноятларда бевосита ёки бошқача тарзда биргаликдаги қатнашишини иштирокчилик”<sup>4</sup>, деб таъриф берса, Г.П.Новоселов ва Р.Джозефлар “Иштирокчилик – қасддан содир этилган жиноятларда биргалашиб қатнашиш бўлиб, айни бир жиноятнинг вазифаларни тақсимлаб ёки тақсимламасдан содир этишдир”<sup>5</sup> – деб таъриф беради.

Мазкур масалада иштирокчиликка С.Н.Наумов: “Икки ёки ундан ортиқ субъектларнинг қасддан содир этиладиган жиноятларда онгли равишда бирга қатнашишидир”<sup>6</sup> – деб таъриф беради.

Маъмурий преюдицияли жиноятларга нисбатан иштирокчилик тўғрисидаги нормаларнинг татбиқ этилиши ҳам ўзига хусусиятга эга.

<sup>1</sup> Ниёзова С.С. Ўзгалар мулкини иштирокчиликда талон-тарож қилганлик учун жиноий жавобгарлик муаммолари. Ю.ф.н. илм. дар. олиш учун дисс. – Тошкент: ТДЮИ, 2006. – Б. 28.

<sup>2</sup>Мухаммеджанов С. Жиноий жавобгарликни индивидуаллаштириша иштирокчилик институтининг долзарб муаммолари. Юрид. фан. номз. илм. дар. олиш учун ёзил. дисс... – Тошкент: ТДЮИ, 2011. – 158-бет.

<sup>3</sup>Усмоналиев М., Бакунов П. Жиноят хукуки. Умумий кисм: Дарслик – Тошкент: Насаф, 2010. – Б. 273.

<sup>4</sup>Соболев В.В Основание и дефференциация ответственности соучастников преступления. Диссертация. – Краснодар, 2000. ст 18.

<sup>5</sup>Новоселов Г.П. Понятие соучастия и признак совместности участия// Российский юридический журнал. – Екатеринбург, 2012. – №6 (87). С. 105.

<sup>6</sup>Наумов С.Н Оценочные признаки соучастия в преступлении. Автореферат. Краснодар, 2009. – 7с.

Назаримизда, маъмурий преюдицияли жиноятларда иштирокчилик масаласида мауммоли жиҳатлар мавжуд. Шу нуқтаи назарда бундай жиноятларга нисбатан иштирокчилик тўғрисидаги нормаларнинг татбиқ этилиши масаласини қўйида муҳокама этамиз.

МЖТКда ЖҚдаги каби иштирокчиликка бағишенган иштирокчилик тушунчаси, иштирокчиларининг турлари, иштирокчиликнинг шакллари, иштирокчиликда содир этганлик учун жавобгарлик доираси, дахлдорлик каби алоҳида нормалар мавжуд эмас. Фақатгина 32-модданинг 4-бандида “хуқуқбузарликнинг бир гурӯҳ шахслар томонидан содир этилиши” маъмурий жавобгарликни оғирлаштирувчи ҳолат сифатида келтириб ўтилган. Бироқ, бир гурӯҳ шахслар дейилганида кимлар тушунилишига ойдинлик киритилмаган.

Маъмурий преюдицияли жиноятларга иштирокчилик институти нормаларини татбиқ этиш масаласини кўриб чиққан Ю.Е.Пудовочкин маъмурий-деликт қонунчилигида иштирокчилик фақат биргаликда бажарувчилик тарзида йўл қўйилади деган холосага келган; қонунда у ёки бу шахснинг маъмурий хуқуқбузарликда ташкилотчи, далолатчи, ёрдамчи сифатидаги хулқ-атворни баҳолаш учун асос берилмаган, шунинг учун маъмурий хуқуқбузарликда иштирокчилик муаммоси иккинчи даражалидир. Маъмурий хуқуқбузарлик тўғрисидаги кодексда иштирокчилик институти қандай назарда тутилганлиги ва умуман назарда тутилганлигидан қатъи назар, жиноят субъекти маъмурий жазога тортилган шахсдир<sup>7</sup>.

Назаримизда, маъмурий преюдицияли жиноятларда иштирокчилик барча иштирокчи субъектлар махсус белгига эга бўлган ҳолда мумкин бўлади. Биргаликда бажарувчilar агарда айнан ўхшаш хуқуқбузарликни маъмурий жазога тортилганларидан сўнг қайтадан содир этганларида жиноий жавобгарликка тортиладилар. Агарда биргаликда бажарувчilардан фақат биттаси ушбу талабга жавоб берса, ўша бажарувчи маъмурий преюдицияли жиноят учун жавобгарликка тортилади, қолган бажарувчilar маъмурий жавобгарликни оғирлаштирувчи ҳолатда, яъни МЖТК 32-моддаси 4-бандида назарда тутилган “хуқуқбузарликнинг бир гурӯҳ шахслар томонидан содир этилиши” белгиси билан хуқуқбузарлик содир этганлик учун маъмурий жавобгарликка тортилади.

“Бир гурӯҳ шахслар томонидан”: 126<sup>1</sup>-моддаси (Оилавий (маиший) зўравонлик) 5-,7-қисми “е”-бандларида;

<sup>7</sup> Пудовочкин Ю.Е. Квалификация преступлений с административной преюдицией // Библиотека криминалиста. 2017. № 2 (31). С. 32.

“Бир гурух шахслар томонидан олдиндан тил бириктириб”: 130-модда (Порнографик маҳсулотни тайёрлаш, олиб кириш, тарқатиш, реклама қилиш, намойиш этиш) 2-қисми, “б”-банди, 130<sup>1</sup>-модда (Тазийкни, зўравонликни ёки шафқатсизликни тарғиб қилувчи маҳсулотни тайёрлаш, олиб кириш, тарқатиш, реклама қилиш, намойиш этиш) 2-қисми, “б”-банди, 141<sup>2</sup>-модда (Шахсга доир маълумотлар тўғрисидаги қонунчиликни бузиш) 2-қисми, “а”-банди, 156-модда (Миллий, ирқий, этник ёки диний адоват қўзғатиш) 3-қисми, “д”-банди, 177-модда (Валюта қимматликларини қонунга хилоф равища олиш ёки ўтказиш) 3-қисми, “в”-банди, 185<sup>1</sup>-модда (Рангли металлар, уларнинг парча ва резги чиқитларини тайёрлаш, олиш, улардан фойдаланиш ҳамда уларни ўтказиш қоидаларини бузиш) 2-қисми, “в”-банди, 186<sup>1</sup>-модда (Этил спирти, алкоголли маҳсулот ва тамаки маҳсулотини қонунга хилоф равища ишлаб чиқариш ёки муомалага киритиш) 2-қисми, “б”-банди, 186<sup>3</sup>-модда (Сифатсиз ёки қалбакилаштирилган дори воситаларини ёхуд тиббий буюмларни ўтказиш мақсадида ишлаб чиқариш, тайёрлаш, олиш, сақлаш, ташиш ёки ўтказиш, дори воситаларини ёки тиббий буюмларни дорихоналардан ва уларнинг филиалларидан ташқарида реализация қилиш, шунингдек таркибида кучли таъсир қилувчи моддалар мавжуд бўлган дори воситаларини рецепт бўйича чакана реализация қилиш тартибини бузиш) 2-қисми, “б”-банди, 192<sup>1</sup>-модда (Хусусий мулк ҳуқуқини бузиш) 2-қисми, “б”-банди, 192<sup>2</sup>-модда (Тадбиркорлик субъектларининг фаолиятини текшириш ва молия-хўжалик фаолиятини тафтиш қилиш тартибини бузиш) 2-қисми, “б”-банди, 192<sup>3</sup>-модда (Тадбиркорлик субъектларининг фаолиятини ва (ёки) уларнинг банклардаги ҳисобвараклари бўйича операцияларни қонунга хилоф равища тўхтатиб туриш) 2-қисми, “б”-банди, 192<sup>12</sup>-модда (Пул маблағларини қонунга хилоф равища ўтказиш ёки олиб қўйиш ёхуд уларни ўз вақтида қайтармаслик) 2-қисми, “б”-банди, 197<sup>1</sup>-модда (Суғориладиган ерларни ўзбошимчалик билан эгаллаб олишга йўл қўймаслик бўйича чоралар кўрмаслик) 2-қисми, “б”-банди, 213-модда (Давлат органининг, давлат иштирокидаги ташкилотнинг ёки фуқаролар ўзини ўзи бошқариш органининг хизматчисини пора эвазига оғдириб олиш) 3-қисми, “в”-банди, 214-модда (Давлат органи, давлат иштирокидаги ташкилот ёки фуқароларнинг ўзини ўзи бошқариш органи хизматчисининг қонунга хилоф равища моддий қимматликлар олиши ёки мулкий манфаатдор бўлиши) 3-қисми, “в”-банди, 250<sup>1</sup>-модда (Пиротехника буюмларининг қонунга хилоф муомаласи) 2-қисми, “б”-бандида;

“Уюшган гурух томонидан ёки унинг манфаатларини кўзлаб” – 127<sup>1</sup>-модда(Тиланчилик қилиш) 3-қисм “б”-банди, 177-модда (Валюта қимматликларини қонунга хилоф равища олиш ёки ўтказиш) 4-қисми, “в”-банди, 182-модда (Божхона тўғрисидаги қонунчиликни бузиш) 2-қисми, “в”-банди, 185<sup>1</sup>-модда (Рангли металлар, уларнинг парча ва резги чиқитларини тайёрлаш, олиш, улардан фойдаланиш ҳамда уларни ўтказиш қоидаларини бузиш) 3-қисми, “б”-банди, 186<sup>1</sup>-модда (Этил спирти, алкоголли маҳсулот ва тамаки маҳсулотини қонунга хилоф равища ишлаб чиқариш ёки муомалага киритиш) 3-қисми, “б”-банди, 186<sup>3</sup>-модда (Сифатсиз ёки қалбакилаштирилган дори воситаларини ёхуд тиббий буюмларни ўтказиш мақсадида ишлаб чиқариш, тайёрлаш, олиш, сақлаш, ташиш ёки ўтказиш, дори воситаларини ёки тиббий буюмларни дорихоналардан ва уларнинг филиалларидан ташқарида реализация қилиш, шунингдек таркибида кучли таъсир қилувчи моддалар мавжуд бўлган дори воситаларини рецепт бўйича чакана реализация қилиш тартибини бузиш) 3-қисми, “б”-банди, 192<sup>1</sup>-модда (Хусусий мулк хуқуқини бузиш) 3-қисми, “б”-банди, 192<sup>2</sup>-модда (Тадбиркорлик субъектларининг фаолиятини текшириш ва молия-хўжалик фаолиятини тафтиш қилиш тартибини бузиш) 3-қисми, “б”-банди, 192<sup>3</sup>-модда (Тадбиркорлик субъектларининг фаолиятини ва (ёки) уларнинг банклардаги ҳисобвараглари бўйича операцияларни қонунга хилоф равища тўхтатиб туриш) 3-қисми, “б”-банди, 192<sup>5</sup>-модда (Лицензиялаш тўғрисидаги қонунчиликни ва рухсат бериш тартиб-таомиллари тўғрисидаги қонунчиликни бузиш) 2-қисми, “б”-банди, 192<sup>6</sup>-модда (Имтиёзлар ва преференцияларни қўллашни ғайриқонуний равища рад этиш, қўлламаслик ёки қўллашга тўқсинглик қилиш) 2-қисми, “б”-банди, 192<sup>12</sup>-модда (Пул маблағларини қонунга хилоф равища ўтказиш ёки олиб қўйиш ёхуд уларни ўз вақтида қайтармаслик) 3-қисми, “б”-банди, 213-модда (Давлат органининг, давлат иштирокидаги ташкилотнинг ёки фуқаролар ўзини ўзи бошқариш органининг хизматчисини пора эвазига оғдириб олиш) 4-қисми, “б”-банди, 214-модда (Давлат органи, давлат иштирокидаги ташкилот ёки фуқароларнинг ўзини ўзи бошқариш органи хизматчисининг қонунга хилоф равища моддий қимматликлар олиши ёки мулкий манфаатдор бўлиши) 4-қисми, “б”-банди, 244<sup>6</sup>-модда (Ёлғон ахборот тарқатиш) 4-қисми, “в”-банди, 250<sup>1</sup>-модда (Пиротехника буюмларининг қонунга хилоф муомаласи) 3-қисми, “б”-бандида, 278-модда (Қимор ва таваккалчиликка асосланган бошқа ўйинларни ташкил этиш ҳамда ўтказиш) 2-қисми, “б”-бандида назарда тутилган.

Юқоридаги ҳолатларда “бир гурух шахслар томонидан”, “бир гурух шахслар томонидан олдиндан тил бириктириб”, “уюшган гурух томонидан ёки унинг манфаатларини кўзлаб” оғирлаштирувчи белгилар назарда тутилган экан, табиий бир савол тўғилади: агар маҳсус субъект талабларига қилмиш содир этилишда иштирок этган шахслардан фақат биттаси жавоб берса, қилмиш қандай квалификация қилинади?

Бизнингча, бундай ҳолатларда маъмурий преюдицияли жиноят маҳсус субъект талабларига жавоб бермайдиган шахслар билан биргаликда содир этилганида маҳсус субъект талабларига жавоб берадиган шахснинг жиноий қасдни амалга ошириши имкониятлари ортади, уларнинг жиноятни содир этиши енгиллашади. Шундан келиб чиқсан ҳолда, илгари маъмурий жавобгарликка тортилган шахс “бир гурух шахслар томонидан”, “бир гурух шахслар томонидан олдиндан тил бириктириб”, “уюшган гурух томонидан ёки унинг манфаатларини кўзлаб” оғирлаштирувчи белгиларни ҳисобга олган ҳолда жиноий жавобгарликка тортилиши ва маъмурий преюдицияли жиноят маҳсус субъекти талабларига жавоб бермайдиган, лекин маъмурий ҳукуқбузарлик субъекти талабларига жавоб берадиган шахслар эса, маъмурий жавобгарликка тортилишлари лозим.

## **Фойдаланилган адабиётлар рўйхати**

1. Ниёзова С.С. Ўзгалар мулкини иштирокчиликда талон-тарож қилганлик учун жиноий жавобгарлик муаммолари. Ю.ф.н. илм. дар. олиш учун дисс. – Тошкент: ТДЮИ, 2006. – Б. 28.
2. Мухаммеджанов С. Жиноий жавобгарликни индивидуаллаштиришда иштирокчилик институтининг долзарб муаммолари. Юрид. фан. номз. илм. дар. олиш учун ёзил. дисс... – Тошкент: ТДЮИ, 2011. – 158-бет.
3. Усмоналиев М., Бакунов П. Жиноят ҳукуқи. Умумий қисм: Дарслик – Тошкент: Насаф, 2010. – Б. 273.
4. Соболев В.В Основание и дефференциация ответственности соучастников преступления. Диссертация. – Краснодар, 2000. ст 18.
5. Новоселов Г.П. Понятие соучастия и признак совместности участия// Российский юридический журнал. – Екатеринбург, 2012. – №6 (87). С. 105.
6. Наумов С.Н Оценочные признаки соучастия в преступлении. Автореферат. Краснодар, 2009. – 7с.
7. Пудовочкин Ю.Е. Квалификация преступлений с административной преюдицией // Библиотека криминалиста. 2017. № 2 (31). С. 32.
8. Холиков Ф. ЖИНОЯТ-ҲУҚУҚИЙ СИЁСАТДА МАЪМУРИЙ ПРЕЮДИЦИЯГА ЭГА БЎЛГАН ЖИНОЯТ НОРМАЛАРИНИ ДЕКРИМИНАЛИЗАЦИЯ ҚИЛИШ МАСАЛАЛАРИ //Евразийский журнал права, финансовых и прикладных наук. – 2023. – Т. 3. – №. 3. – С. 192-199.